

## U G O V O R br. 11-14-38-29990-12/17

### Nabavka ormarića i druge opreme za potrebe učenika u osnovnim školama na području Kantona Sarajevo

Zaključen dana 1.12.2017. godine između:

#### UGOVORNE STRANE

**MINISTARSTVO ZA OBRAZOVANJE, NAUKU I MLADE KANTONA SARAJEVO**, sa sjedištem u Sarajevu, Ul. Reisa Džemaludina Čauševića br. 1, kojeg zastupa Prof. dr. Elvir Kazazović, ministar (u daljem tekstu: Kupac), identifikacijski broj: 4200666870003

i

**R&S d.o.o. SARAJEVO**, sa sjedištem u Vogošći, Ul. Igmanska bb, identifikacijski broj: 4200056290005, PDV broj: 200056290005, transakcijski račun broj: 140-1010024-11-4039 kod Sberbank BH d.d. Sarajevo, kojeg zastupa direktor Kemal Selmanagić (u daljem tekstu: Prodavac)

#### PREDMET UGOVORA

##### Član 1.

Predmet ovog Ugovora čini kupoprodaja ormarića i druge opreme za potrebe učenika osnovnih škola na području Kantona Sarajevo, u svemu prema predmetnoj tenderskoj dokumentaciji i prihvaćenoj ponudi Prodavca br. 16822/17, od 3.11.2017. godine koji su sastavni dio ovog Ugovora. Ugovorenu opremu čine sljedeće stavke:

	Naziv robe	Jedinična mjera	Količina	Cijena po jedinici bez PDV-a	Ukupna cijena bez PDV-a
1.	Garderobni ormar pretinčar sa 10 pretinaca (dva vertikalna reda po 5 pretinaca)	kom	655	247,50 KM	162.112,50 KM
2.	Aluminijski okvir za natpis i zidna magnetna vješalica u setu	set	70	45,75 KM	3.202,50 KM
3.	Ormarić zidni za ključeve	kom	5	435,00 KM	2.175,00 KM
4.	Samostojeći stalak za kišobrane	kom	60	55,50 KM	3.330,00 KM

#### CIJENA I NAČIN PLAĆANJA

##### Član 2.

Ugovorena cijena predmetne nabavke roba iznosi:

1. Cijena bez PDV-a 170.820,00 KM
2. PDV 29.039,40 KM
3. Cijena sa PDV-om 199.859,40 KM.

Slovima: (stosedamdesethiljadaiosamstodvadeset i 40/100 KM)

##### Član 3.

Ugovorena cijena i uslovi utvrđeni u predmetnoj tenderskoj dokumentaciji ne mogu se mijenjati.

#### **Član 4.**

Ugovorne strane konstatiraju da predmet ove nabavke čine nabavka i ugradnja predmetnih roba u objektu kao što je to definirano u tehničkoj dokumentaciji koja čini sastavni dio ovog ugovora.

#### **Član 5.**

Ugovoreni rok isporuke predmetne nabavke iznosi 7 (**sedam**) dana, računajući od dana potpisivanja ovog Ugovora.

#### **Član 6.**

Plaćanje ugovorene cijene izvršit će se nakon isporuke i izvršene kontrole količina i kvaliteta predmetnih roba, po dostavljenom računu, u roku od 30 dana od dana izvršene kontrole, ukoliko su predmetne robe isporučene i ugrađene u traženim količinama i kvalitetu.

Kupac je dužan da odmah nakon potpisivanja ugovora, dostavi Prodavcu spisak škola sa adresama i količinama isporuke robe.

#### **Član 7.**

Prodavac je dužan pridržavati se ugovorenog roka, navedenog u članu 5. ovog ugovora.

Moguće je produženje ugovorenog roka samo u sljedećim slučajevima:

- nepogodni vremenski uslovi /snježne padavine, kišne padavine, hladnoće i sl./
- usljed više sile /vanredni vanjski događaji, ili prirodni događaji kao što su poplave, potresi i dr./,
- ljudske radnje koje se nisu mogle predvidjeti, izbjeći ili ukloniti,
- mjere predviđene organima nadležnih tijela.

Produženje roka trajat će onoliko dana koliko je trajala neka od opisanih smetnji, uzimajući u obzir vrijeme potrebno za ponovnu organizaciju rada i nastavak radova.

U slučaju nastanka razloga produženja roka izvođenja radova Prodavac je dužan Kupcu u roku od 24 /dvadesetčetiri/ sata, po nastanku razloga za produženje roka, podnijeti zahtjev za produženje roka.

Produženje roka će Kupac i Prodavac utvrditi u pismenom obliku, u roku od 48 /četrdesetosam/ sati, od dana podnošenja zahtjeva za produženje roka.

#### **Član 8.**

Za svaki dan zakašnjenja isporuke robe Prodavac se obavezuje da Kupcu, na ime ugovorene kazne, plati 5 % /pet promila/ ukupne vrijednosti Ugovora dnevno, a najviše 5 % /pet posto/ ugovorene vrijednosti.

#### **Član 9.**

U slučaju nekvalitetnog ili nepravovremenog izvršenja ugovorenih obaveza, Prodavac je obavezan Kupcu nadoknaditi nastalu štetu.

#### **Član 10.**

Garantni rok predmetne nabavke iznosi 36 mjeseci.

## Član 11.

U slučaju pojave nedostataka tokom garantnog perioda, Prodavac je dužan odazvati se pozivu Kupca i pristupiti otklanjanju nedostataka odmah, a najkasnije u roku od 3 /tri/ dana od dana prijema poziva.

## Član 12.

Sve sporove, nastale izvršenjem ovog ugovora, ugovorne strane će nastojati riješiti sporazumno, u suprotnom spor će rješavati nadležni sud u Sarajevu.

## Član 13.

Za sve što nije regulisano ovim ugovorom važe odredbe Zakona o obligacionim odnosima.

## Član 14.

Ovaj ugovor stupa na snagu danom potpisivanja od strane ugovornih strana.

## Član 15.

Ovaj ugovor sačinjen je u 6 /šest/ istovjetnih primjeraka, od kojih svakoj ugovornoj strani pripadaju po 3 /tri/ primjerka ugovora.

PRODAVAC

KUPAC

**R&S d.o.o. Sarajevo**

**Ministarstvo za obrazovanje, nauku i mlade**

**DIREKTOR**

**Kantona Sarajevo**

**MINISTAR**

  
79 **Kemal Selmanagić**

  
**Prof. dr. Elvir Kazazović**

Broj: \_\_\_\_\_  
Sarajevo, 1.12.2017. godine

Broj: 11-14-38-29990-12/17  
Sarajevo, 1.12.2017. godine